

03 FEB 1999

AGONG KIRIM PERUTUSAN TAHNIAH KEPADA PRESIDEN SRI LANKA

KUALA LUMPUR, 3 Feb (Bernama) -- Yang di-Pertuan Agong Tuanku Ja'afar telah menghantar perutusan tahniah kepada Presiden Sri Lanka Chandrika Bandaranaike Kumaratunga sempena Hari Kemerdekaan ke-51 negara itu Khamis ini.

Menurut kenyataan Wisma Putra hari ini, Tuanku Ja'afar dan Raja Permaisuri Agong Tuanku Najihah berharap agar hubungan di antara Malaysia dan Sri Lanka terus erat demi manfaat rakyat kedua-dua negara.

Seri Paduka berdua juga mendoakan agar Kumaratunga terus berada dalam keadaan sihat dan negara menikmati keamanan, kemajuan dan kemakmuran yang berterusan.

Perdana Menteri Datuk Seri Dr Mahathir Mohamad dalam perutusannya kepada rakan sejawatannya Puan Sirimavo Bandaranaike berharap Sri Lanka akan terus menikmati pembangunan dan kemajuan di tahun-tahun akan datang.

"Ketika kita menghampiri alaf baru, saya berharap kerjasama rapat di antara kedua-dua negara dapat ditingkatkan demi faedah rakyat," katanya.

Menteri Luar Datuk Seri Syed Hamid Albar juga menghantar perutusan yang sama kepada rakan sejawatannya Lakshman Kadirgamar.

-- BERNAMA

ARA AKD